

De la nef la premiere part
 Occupe l'auaricieux
 Qui de ses biens point ne depart
 Aux pauures ne penurieux
 Il est sot destre curieus
 Si fort de ses biens sans compas
 Deu que du sien ne ioist pas.



Psalmus
 xlviii

Celuy pauure fol qui amasse
 Dor & d'argent la grosse masse
 De ses biens ne prent point soulas
 Mais quant d'amasser est si las
 Qu'il se meurt il n'emporte riens
 Et laisse ses tresors et biens
 A ses nepueux ou ses enfans
 Qui en sont apres triumphans
 Et diceulx biens soit iour ou nuyt
 En prennent plaisir et debuit

En delectations charnelles
 Mais en peines sempiternelles
 Sen va lame du trespasse
 Qui de mort a les traictz passe
 Et es infernalles cauernes
 Piteux et tenebreux auernes
 Es fleuues de criz et douleurs
 De lamentacions et pleurs
 Est moult durement tomente
 Mieux luy feust sestre contente
 De peu car de rien ne luy seruent
 Ses richesses mais luy deseruent
 Peine deul et cruelle raige
 Et se saouler du dur breuage
 Dacheron le fleuue infernal

Je treuue encores plus de mal
 Du prodigue qui tout despens
 Et riens amasser ne pretend
 Mais laisse ses biens decourir
 Et par faulte d'ordre perir
 Entre ses mains sans y pourueoir
 A telz tous les iours vient lauoir
 Qui sont en bonnes meurs nouices
 Et rempliz de maulx et de vices
 Mais au bon vient le contrepoinct
 Aussi bien nen deullent ilz point
 Ras tu point bien peu de cerueau
 Qui de richesse grant monceau
 En grans labeurs aux tiens compile
 Et ne deuy a ton ame vile
 Salut pourchasser nullement
 Las tu aimes pluscherement
 Souffrir peine traualx ennuyx
 Pour leur amasser iours et nuitz
 Puis tu meurs apres ton trespas
 Tes biens ne te donneront pas
 Confort mais ten seueliront
 Es tenebres au plus parfont
 Du sulphurant infernal puis
 Du quel te gecter hors ne puis
 Et si ores tes heritiers
 Te scauoient pour deux deniers

Ecclesia. v.
 Psalmus
 xviii

L. de cura.
 fur. l. j.

Job xxvii.